

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09) i člana 70. Zakona o javnim nabavkama („Službeni glasnik BiH“, broj: 39/14), a na osnovu Preporuke Komisije za javne nabavke, broj: 01-51-1128-5/20 od 3.8.2020. godine, Vlada Hercegovačko-neretvanskog kantona je na 90. hitnoj telefonskoj sjednici, održanoj 14.8.2020. godine, donijela

O D L U K U
O IZBORU NAJPOVOLJNIJEG PONUĐAČA ZA PREDMET JAVNE NABAVKE
„KANCELARIJSKI MATERIJAL“
U OTVORENOM POSTUPKU

I

Daje se saglasnost na Zapisnik o ocjeni ponuda, broj: 01-51-1128-4/20 od 3.8.2020. godine i prihvaća Preporuka Komisije za javne nabavke, broj: 01-51-1128-5/20 od 3.8.2020. godine za predmet „Kancelarijski materijal“ i za najpovoljnijeg ponuđača se bira „ANTONIO COMMERCE“ d.o.o. Mostar, pod sljedećim uslovima:

1. Ukupna cijena: 759.690,91 KM bez PDV-a, odnosno 888.838,37 KM s PDV-om;
2. Jedinične cijene, u skladu s nacrtom ugovora, su nepromjenjive, a ukupno ponuđeni iznos može biti i manji u realiziranju, pošto je zavisao o pojedinačnim narudžbama korisnika budžeta, s tim da ne bi trebao biti veći od ukupno ponuđenog iznosa;
3. Nabavka je sukcesivna i traje 12 mjeseci od dana potpisivanja ugovora;
4. Rok plaćanja: 60 dana.

II

Ugovor s izabranim ponuđačem zaključit će se nakon pravosnažnosti Odluke o izboru najpovoljnijeg ponuđača, odnosno nakon proteka roka od najmanje 15 dana računajući od dana kada su svi ponuđači obaviješteni o izboru najpovoljnijeg ponuđača.

III

Protiv ove Odluke dopuštena je žalba Ugovornom organu u roku najkasnije od 10 dana nakon zaprimanja Odluke o izboru najpovoljnijeg ponuđača. Žalba se ulaže Ugovornom organu u pisanom obliku, direktno, elektronskim putem ili preporučenom poštanskom pošiljkom, a sve u skladu s članom 99. Zakona o javnim nabavkama.

IV


Ova Odluka će, u skladu s članom 70. tačka 6. Zakona o javnim nabavkama, biti objavljena na web-stranici Vlade HNK istovremeno s upućivanjem iste ponuđačima koji su učestvovali u postupku javne nabavke.

V

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-1634/20
Mostar, 14.8.2020. godine



PREDSJEDNIK
dr. sc. Nevenko Herceg